

廣成集卷之十一

敢士

上郡太清宮內供奉應制文章大德賜紫杜光庭撰

程德柔醮水府修堰詞

伏聞大道垂功裁成品物真靈設位主宰群
生至於水府明神山林正職各司罪福以庇
烝黎當縣地控上游素名劇邑賦與重大耕
稼茲繁堤堰所防安危是繫某所修堰分當
彼濬流自汎溢以來累有摧壞雖俾夜作晝
竭力焦心旋有葺完尋聞傾陷豈水脉所注
不可備防豈龍神所為未容障塞憂惶迫切
無所告祈且食乃民天人為邦本或虧秋稔
必致年凶况天府膏腴勢連下瀨少城戶口
旁接通波若為侵軼之災必有泥沙之變救
茲墊溺須仗玄威伏惟大道開恩明神流鑒
愍其農畝念彼生靈迥不測之神功借無私
之聖力特垂濟護俾獲安全使黍稷永豐京
坻有望息襄陵懷山之禍叶年豐俗富之期
蘋藻効誠敢負靈貺不任

川主醮五符石文詞

三寶開光五文孕化凝水火木金之氣成雲

霞龍鳳之書保制乾坤鎮寧天地洎乎降傳

下土濟護群生夏禹得之以成功仲尼奉之
而興詠有家有國固不違修所以伏御神祇
鎮安川嶽攘除氛沴清肅宮城至於居宅之
興亦在鎮禳之例臣頃於所部特創新居既
畢巨功爰申大醮按河圖品格依靈寶文儀
篆刻真符清修香火所冀解銷犯觸安集正
神召彼靈官永垂擁衛伏惟玄元鑒祐衆聖
流慈勅勅職司錫其禎貺居止寧泰眷屬康
安分近天皇大火之鄉况屬身官或鄰對照
捫心震惕循已驚虞是用瞻本命福山仰列
仙靈化歷三元而禱祝遍九曜以虔祈伏冀
洞府神真披香奉御玄天尊聖垂澤降臨賜
臣以景貺禎符解臣以災期厄會克承祐護
允洽康寧上願皇業天齊聖圖嶽鎮伊川洛
瀆運叶中興八水三山俗諧昭泰戢鋒鋌於
九野共文軌於萬方臣得勵忠貞永扶英睿
不任

蜀王為月虧身官於玉局化醮詞

伏聞大道縱靈元和肇化燭三光而上列運

六氣於中天播裁成宇宙之功物無不遂持

寒暑暄涼之柄政無不均所以五星東大帝
之符司明罪福十神行太一之令統御吉凶
律曆難欺古今所稟臣遭逢聖運塵黍殊榮
山河控井絡之雄封壤握坤維之重常虞福
過實懼災纏今則涼德靡修太穹垂戒月朔
則太陽薄蝕當對照之方既望則太陰變虧
在身官之位飛天火曜臨於命辰干祿納音
仍逢衰氣恐成災咎彌切憂惶是用遵按玄
科勵精丹懇奉香羞於玉局陳醮禮於瑤壇
仰三景以希恩普周天而禱福伏冀昭彰俯
鑒勝望垂休錫禎貺於三命五行解災期於
身官分野至有故傷誤殺往債宿寃咸賜蠲
除永俾貞吉上願皇圖攸久聖壽延長還泰
符大漢之隆宅洛契宗周之盛干戈偃戢夷
夏昭蘇得傾報國之心克叶自天之祐不任
激切虔祈之至謹詞

安宅醮詞

伏聞道氣流布三才乃分陰陽陳變化之機
水木肇相生之象巢穴之風既替宅宇之作

遂興順二氣以營修體五行而制度實資神
 化大成生靈巨以庸愚不明玄理因時改作
 隨力興修土木之功曾無避忌穿鑿之趣深
 有驚喧或抵犯王方或背違天道致使龍神
 未守居止非宜恐迫凶衰更延災厄謹歸心
 大道稽首三尊按靈寶明科修五帝大醮度
 恭懺謝拜請符文懺已往犯觸之非祈將來
 安寧之福伏冀二儀介瑞五帝垂祥凶惡蠲
 除龍神鎮守人口清泰動靜康寧營運興生
 常蒙利祐公私和暢眷屬又安即永荷太上
 衆尊五帝祐護之恩不任

八節醮詞

伏以大道垂化元氣流形鼓鑄群生有清濁
 剛柔之異舒張八節定春秋冬夏之方所以
 考校吉凶司明罪福惠既周於宋國恩亦普
 於存亡臣等獲值昌期早欽造化資神功而
 生育荷聖力以裁成竊慮處俗立身寧無過
 咎前生今世必有愆瑕或五行三命之中遭
 逢厄會或暗曜明星之下因值照臨以此兢
 憂縣思祈醮爰逢今節同竭丹誠是天元啓

候之期當大聖延慈之日趨心靈化稽首瑤
 壇精潔香花虔恭懺祝伏冀高尊鑒祐衆聖
 哀憐垂罔極之慈賜無疆之澤使積生罪惱
 累世冤仇已往愆非將來克運乘八節自新
 之力降三官肆赦之恩並賜蕩除水錫貝吉
 使臣等九玄七祖受福祉於南宮眷屬親緣
 落死名於北府公私和洽壽祿遐長即永荷
 衆聖祐護之恩不任

都監將軍周天醮詞

伏聞大道混融群材昭著陰陽昇降吉凶之
 理肇分善惡循環罪福之文是啓玉虛大帝
 金闕元皇申命真靈俾其主宰三官五帝爰
 居勸沮之司南斗北元以統死生之錄洪纖
 備舉億劫無差所以丹簡玄經有修攘之秘
 訣祈天悔過有懺滌之明科竊仰弘慈敢陳
 微願且獲膺宿會運偶昌期猥以凡庸遭逢
 異寵伏念戴清履濁寓世立身事主奉親自
 家刑國雖忠貞勵節勤瘁在公而休杜難臻
 愆違易集况臣頃因危衛時屬艱虞對家欺
 天霧靈蔽目層嚴瑞氣但布護於帝車九陌

妖塵正昏蒙於輦道乃忠義奮身之際是人
 臣効命之期得以手捧天樞身排鯨浪克寧
 皇極以罄丹心遂叨非次之恩遠荷重難之
 寄連管魏武千里隄封愆無監撫之能但切
 兢憂之懇竊恐臣前生今代歷劫以來未達
 正真動成罪目或上虧天理下犯地宜中忤
 人情旁違物性十纏外積三業內興或助順
 除奸誅邪佐命或故傷誤殺兼法持綱或星
 曜運行時逢臨照或三命經歷因值衰危八
 卦九宮有刑妨之數冤仇債訟有考對之文
 幽晦常情眇然難測唯資修奉上叩玄虛冀
 獲感通克承覆祐是用按河圖具格被正一
 靈科溥海嶽以貢誠遍乾坤而瀝懇恭陳醮
 禮以展肅虔伏惟三寶迴光衆聖流鑒赦其
 宿過錫以殊休罪簡蠲消生名利品和平究
 債清蕩災凶九玄七祖同霑洪澤六姻九族
 咸沐玄慈俾川境安寧生靈輯睦俗無疢癘
 野有謳謠幽府冥司神輝朗徹飛行蠢類惠
 渥滋濡上願國步夷平聖躬和暢五兵改偃
 萬寓乂康鑿旂早復於秦京象法重懸於魏

闕瞻天望日言發心馳不任

衆修本命醮詞

伏聞大道垂光三靈寶始人天設位萬化互分稟氣有清濁之殊賦運有吉凶之異昏明既判罪福亦彰於是太上弘慈元尊慈護南

上闡延生之府北都陳銓善之科兩曜列星布無私而照燭三官五帝開大宥以君臨蓋欲使共洽無爲俱臻清靜品登道果名列真階臣等叨沐神功幸逢昌運開玄儒之妙旨履仁義之康衢坐挹堯搏行誦睿德揣躬省已禁扑伏深但慮往劫此生立身舉措動成違戾率忤幽明六情之愛染難祛三業之愆非易積文昌簡上未紀善名鄴部官中已標罪目又恐行年災咎宿曜加臨或土木興功犯干禁忌或故傷誤殺結聚冤尤速使暗奪年齡潛消福祿非憑勝會難寫深誠今屬白露凝晨清秋屆節是懺罪祈真之日乃延恩致福之期輒率慕同誠歸依至道齋持法信稽首靈壇遍天府以披心均呈星官而注想伏冀三元上聖十界衆尊南極威神北臺寮輔

念其虔懇降以光靈流福祚於存亡息災凶於永遠使臣等九玄七祖咸得生天五族六親並蒙安泰罪瑕除蕩祿壽延長門宇清寧運求諧遂五行三命永無刑剋之災私室公庭長荷利貞之福不任

張道衡還北斗願詞

伏以玄象垂先物無不照帝車周運感無不通臣以幽微仰蒙鑒祐頃以大順二年身陷危厄性命是虞輒瀝丹心上祈玄造遂發誠願奉錢十萬貫文旋獲安寧克蒙清雪蟻蟻之生已保真靈之澤未酬尋以奔迫道途辛勤南北難逢良會莫報宿恩冰炭在懷寢食增懼今則歸心靈化稽首瑤壇虔備香燈精修醮酌自今年四月至今月五度奏錢滿十萬貫兼於玉局化北帝殿塑造北斗真君八身功德用申素懇上答玄恩伏惟聖慈曲賜昭納使誓圖昔日願滿茲辰宿罪蠲消餘災蕩滌冤仇和解年祿增延公私叶貞吉之期眷屬享文寧之福存亡咸泰品彙沾恩不任

行軍僕射醮宅詞

伏聞大道融真天尊演教赤明御運靈寶開圖八會成文凝結太空之表五符流跡昭宣大有之中五帝受之以度人九天得之以定位降於下土護國濟人摧伏兇妖誅滅邪惡凡所興造皆許遵行臣頃以營繕所居土木將畢恐有干犯難備考詳竊按玄科請行符命修崇黃錄關奏清都刻五方大帝之文依三洞鎮穰之格下告五土上奏九微伏願衆聖垂慈萬靈孚祐勅命符吏頒示職司降以威靈布其真氣蕩除魔恠安靜龍神八卦九宮五行六甲陰陽刑殺太歲將軍各鎮方隅永祛災咎其有伏尸故氣金土邪精滯爽遊魂幽靈暗魄各乘善力俱遂逍遙克保安寧永臻福祐不任

衆補修三會醮詞

伏聞人之稟生資於二氣陰陽定體魂魄守身稍或愆和即成災否三會之日是三魂攢奏之辰罪福吉凶纖毫無失增壽奪算賞罰甚明所宜積善除非立功補過用祈吉應以保遐齡玄聖格言真經明訓敢不遵守以戒

身心臣等數年以來於下會之日共申祈醮以罄焚修昨者迫以塵緣偶過佳節中心憂惕不敢違安今則別選良辰旁招善友同營香火特展醮祈靜夜寒更冥心注念真靈必降誠願冀通伏惟萬聖迴光千真鑒映錫其禱祝除彼災凶制魄拘魂各遂修生之望迴凶變吉咸開還水之程臣等或三命衰微九宮厄滯或星文臨照災運繁纏或宿債未平餘殃未息或故傷誤殺積過深瑕俱乞蕩除克賜昭祐合家蒙福九祖生天公私有通泰之祥春屬荷又安之澤不任

皇帝設南斗醮詞

伏以三光麗天照臨萬有衆星垂象統御群形南斗文昌實掌主錄為正陽煦物之本乃帝王壽命之司按天元上清等經若五月五日值丙午之辰則啓福延恩濟生利物和寧品類安鎮邦家陽德所資普亨其福今年以火水金土四星聚於實沈之墟又逢日度所經皆為順伏五月合朔太陽當蝕而不蝕洎乎既望太陰當虧而不虧斯乃五日得丙午

之辰純陽所應願惟寡昧欽荷玄功慙化理之未周念聲教之未普敢期流貺以及微躬所願大道延慈上天錫祐俾九州四海俗泰民康年豐而六氣均調候正而四時和暢改弓偃革歸馬休牛咸臻保命之祥克廣好生之德冥心丹禁稽首玄壇瞻八景以低臨冀九光之遐燭鑒茲醮酌介以禎休辰輝炳靈幽讚之功已著人天交感協符之契可期佇混車書大同寰宇式度祗荷上副玄慈不任

皇帝周天醮詞

臣聞風雨霜雪之不時則星辰示象積蒸蘊藻之可薦乃天地垂休緬是前修實為通論臣恭臨大寶宸衷丕圖不敢違寧若臨冰谷而頻移圭律七變槐檀慮兆庶未康恐一物失所或刑政乖謬或恩信未孚干戈猶駐於疆場正朔未同於夷夏水旱不節富庶莫臻昏墊札瘥繼聞於郡縣盜賊欺誑尚恣於鄉閭雖則務勸分貲食省用不邇聲色永絕改遊瓦器蚌盤敢忘於刻已雉頭虎魄豈事於娛情猶慮上曹重責朕罪顛蒙有愧首謝

無由近則金火二星水土兩曜併聚蜀分皆次實沈日月為薄蝕之期朔望却史臣之筆太陽順伏分野垂休豈此禎祥併歸冲渺益勵退修之志彌彰戒懼之心敢因午日之嘉辰聊答上玄之厚貺靈官渺遠紫府深嚴雖昭告之備申慮誠明之莫達齋潔選日懇悃陳詞寂寂玄壇儼威儀冷乙夜飄飄仙賢降福祐於人寰伏冀八表又安黎民清泰邦家鞏固社稷永寧六府孔修九功攸叙藉褫奉職書軌同文不任

醮瀘州安樂山詞

伏以楚蜀連封西南重地江馳萬派嵐積千峯天帝以之會昌龍神以之固護惟茲輿壤獨擅雄名三層燭煙月之光八洞闕靈仙之宅常弘勝利以祐蒸人年無旱潦之傷俗保安貞之吉致泝泐之攸濟俾絲泉之蕃豐銜三觀威靈荷二真慈貺傳諸遠近載彼經圖翹首注心共誦玄澤巨名拘輦轂望切林泉每憐素約玄標常戲芝巖桂岫延頸企踵跡滯神遊輒贊微香遠陳孤懇臣以所居北帝

院齋醮所給鍾虞未周雖申降福之儀幾闕
飛霜之韻始聞仙山之內法器且多既無考
擊之期虛敲鏘洋之羨道隨誠感鍾固可移
願減有餘貨其不足輟於翠嶽遷就皇都清
聲漸遠於彤雲洪響佇聞於紫禁願俞誠祝
永鎮京華不任

廣成集卷之十一

廣成集卷之十二

敢三

醮名山靈化詞

上都太清宮內供奉應制文章大德賜禁性先履撰

伏以大道融精是分二象元尊布化以播萬
靈咸稟運於裁成共輯寧於邦國欽哉群望
寔總休禎伏自應天順人開基創業雖未致
昇平之理而幸成富庶之鄉四國爰來百辟
咸在人心允若天意昭然而或教失義方情
牽慈愛付塗盛之大任委監撫之重權庶人
元膺益恣冒襟都忘孝敬用奸邪之扇惑興
背叛之兇狂矢石欲及於乘與金鼓近宣於
侍從猶賴上天垂祐靈化降祥不容梟獍之
心坐殄豺狼之薰未更昏旭悉已蕩除中外
再寧寰海稱拊爰擇良日仰報威靈遠中昭
告之誠輒整潢污之薦敢期鑒祐永叶安貞
不任

鎮江侍中宗黷解纜醮水府詞

伏以道化所覃神休普被上惟邦國下及人
倫咸資拯護之功潛假保持之力古今無爽
水陸攸寧巨猥以常材叨逢聖運經綸締構

慙無竹帛之勞渥澤超昇累荷乾坤之造遽
蒙膏獎顯授兵符登韓信之齋壇授呂侯之
金鉞錫茅分闡推轂專征省循徒切於兢榮
倚注靡容於陳讓選展揀日邁命啓行况楚
峽上游錦江下瀨舳艫則千艘拯駕許泐則
萬派爭奔寔用真靈總斯陰陽皇帝宸襟所
屬每切敬恭思布化以睦鄰亦申謀而懷遠
雄師銳旅首在此行將解纜以乘流爰潔誠
而致醮伏惟玄元大聖五老高尊命靈將玄
司助洪休巨福迅浪皆期於利涉驚濤盡變
於安流萬里通津百神加祐克昌大業更廣
鴻基外屏中朝共臻禎福不任

周庠貞外填本命醮詞

伏聞天鑒孔明有感斯應神道正直無祈不
通每垂拯護之仁以副禱祈之願祛災流貺
猶響應聲敢三佩斯言常虔片志每因元命得
備焚修式勵深誠實荷明祐但慮塵機未息
過咎易盈官路所拘悔尤難道因星辰臨照
值年運衰危但懼災纏敢思福會自從軍部
部寓跡外封一駐戎軒兩周天序既闕奏陳